

中國地方志集成

省志輯·山東 ②

宣統山東通志(一)

鳳凰出版社●上海書店●巴蜀書社



宣統山東通志(一)

(清)

楊士驤
孫葆田

修纂
等纂



宣
慈
山

本書二百卷首九卷附錄一卷補遺一卷，清宣統三年（一九一一）修，據民國二十三年（一九三四）上海商務印書館影印山東通志刊印局鉛印本影印。

田
善
纂

目 录

第一册	康熙山東通志	第二册	宣統山東通志(一)	第三册	宣統山東通志(二)	第四册	宣統山東通志(三)	第五册	宣統山東通志(四)	第六册	宣統山東通志(五)	第七册	宣統山東通志(六)	第八册	宣統山東通志(七)	第九册	宣統山東通志(八)
—	—	—	—	—	—	—	—	—	—	—	—	—	—	—	—	—	—

景印清光緒山東通志序

行省疆域至明略定各省之纂輯通志亦自明中葉始凡其條例山川考稽沿革詳地方人物之實備中央文獻之徵周職方秦圖籍胥是類也土地爲全國公器欲與人民共守之必使人民先知之中央指導人民注意鄉土以各謀建樹共恤國家於縣爲瑣於省爲宜此中央政府所以有飭各省纂修通志之議而上海商務印書館亦以清光緒山東通志重爲影印也志之修始於光緒十六年成於民國四年其時西法繪地習者已多又雖縣張次潛參據天津葉圭綬續山東考古錄作沿革表故疆域一志圖表最工通古宜今足資引據山脈水道地形險夷亦因是得其大略於黃河運河工程記載尤詳爲至聖列世紀爲泰山詳祀典其他史事官績政治人文無一非山東人民所

應知者原書二百卷僅用鉛字排印未能鋅板成書無多流傳
不廣今上海商務印書館改爲影印縮全書爲五巨帙索序於
余余蒞山東於河渠道路全省交通陸續規畫建設又值本省
議修新志之時得此清末省志參稽考證以資借鏡更於通省
政事利弊知所興革焉是爲序

民國二十三年七月山東省政府主席韓復榘

山東通志原書二百卷僅用鉛字排印未能鋅板成書無多流傳
不廣今上海商務印書館改爲影印縮全書爲五巨帙索序於
余余蒞山東於河渠道路全省交通陸續規畫建設又值本省
議修新志之時得此清末省志參稽考證以資借鏡更於通省
政事利弊知所興革焉是爲序

景印前清光緒山東通志序

太子少保頭品頂戴 山東巡撫 張曜謹

奏爲設局重修山東通志恭摺仰祈

聖鑒事竊臣接准會典館及兵部各咨文以奉飭續修會典有應查造輿圖與馬政兵制驛站里數鋪夫數目具令繪圖貼說咨送者臣謹卽分條查造並檄布按兩司分飭各府州縣詳細造送以憑彙核因思省志之修實與會典相表裏我

朝自雍正七年

世宗憲皇帝命天下重修通志上諸史館以備一統志之採擇山東通志卽於是時開局排纂至乾隆元年然後告成迄今又閱

一百五十餘年文獻所關久未編輯國家重熙累洽學教所

訖東漸爲先臣按尙書云帝光天之下至於海隅蒼生爾雅云魯有大野齊有海隅則今山東境地是也惟山東密邇畿

輔拱衛神京南通江淮西接宋衛大海環其東北越海則爲

遼東與朝鮮唇齒相依故昔人有云其形勢雖不及雍梁之

險阻然而能爲京師重鎮者莫如山東其名山則有徂徠梁

甫嶧蒙勞成而東嶽泰山東鎮沂山在焉其川澤則有濟汶

會通瀾灘沂沭東西泃嶺山湖南旺湖而漕渠貫其中歲挽

數百萬粟皆取道於茲所屬府十直隸州二州九縣九十六

自昔巡方之所首至職方之所不能詳紀加以涵濡教澤二

百四五十十年如班史謂齊人好經術魯俗尙禮義重廉恥蓋

徵特闕里曲阜一區有先聖周公孔子之遺教在焉臣承乏

此地倏逾三年雖治河無效時切兢兢而採風問俗之餘輒

思採訪遺事洞色鴻業圖獻文明獨以志乘不備則一方之掌故無徵

朝廷法完令具爲治日久官吏謹守科條不特名臣循吏儒林文苑志行事蹟有待於表章卽窮鄉僻壤孝子順孫貞女節婦卽邀旌典者非有長編紀述亦恐年久則湮沒弗傳况自乾隆以後

聖駕幸魯幸鄒煌煌盛典紀述闕如至咸豐同治之間海內多事山東獨常爲京師屏蔽其間若平定教匪捻匪皆有方略可稽而黃河自咸豐五年北徙其後遂改道山東生民休戚上

聖慮河防利害亟宜講求他若兵制管制之變更以及轉漕推鹽

諸大政情形既今昔不同施政者苟欲有所措置誠不能不

借冊府爲考鏡臣竊見比年以來輟輟與安徽湖北各省通

志均已先後續纂成書山東夙稱文物之區雖中間迭經兵

燹冊府不無散亡然及今接輯尙易爲力臣於從政之餘嘗

借一二方聞縉學之士酌定體例竊以爲著書貴裨實用而

通志爲地理之書所重首在輿圖今擬謹遵內府輿圖開方

之法先爲通省輿圖計一寸爲一方方得五里皆以虛空鳥

道測其遠近以定準望凡山嶺爲平迤爲險峻川澤出入隄

防高廣關防要隘水陸驛站城鄉道途莫不詳紀而河渠之

高下曲直與海道遠近險夷必使人周歷測量而後繪爲分

圖總圖俾官斯土者自行軍徵賦詰盜賊興水利欲有所事

卽筆然於心目之間其次則爲府州縣沿革表其義例一遵
大清一統志又次則仿歷代史書爲編年通紀爲職官表爲
地理志田賦志學校志禮儀志兵志海防志河渠志藝文志
爲人物列傳紀敘惟求典瞻而不傷繁冗編次必歸謹嚴而
不使遺漏於以廣

聖化敬國聞紀往蹟而詔來茲上本

列聖文謨武烈之昭垂旁稽列史百家之紀述一俟書成卽恭進於

朝用符周官大司徒屬以地圖地事地俗入告之義敎臣不勝
冀幸之至至此項經費所出臣當與司道設法集款不用公
項所有擬修山東通志緣由理合恭摺具陳伏乞

皇上聖鑒訓示

[illegible]

山東通志序

山東之有志書自前明揭學陸欽始追我

朝康熙初年巡撫趙公祥星復有續修之舉爰聘宿儒同襄厥事體裁於爲大備至雍正七年又踵前志而更修之凡六閱寒暑及乾隆元年丙辰歲大中丞岳公潯始續刊成書自是厥後紀載闕如識者憾焉夫志者所以志一代之典章文物因革廢興土以備太史之采風下以存鄉邦之掌故使後之人徵文考獻觀法有資所關豈淺鮮哉山左爲聖賢桑梓齊魯舊封海岱鍾靈人才輩出尤自乾隆建極以還稽古右文崇儒重道

幸闕里

幸泰山

普國通省賦役至於再三居是邦者沐浴

帝澤之覃數涵濡

聖人之雅化是以民崇質樸俗尚敦龐士食舊德之名氏農服先疇之賦畝莫不詠仁蹈德共相安於熙皞之天世運之盛隆炳焉與三代同風矣洎乎咸豐初年滄海橫流潢池盜弄變匪起於粵捻匪起於豫本境之教匪幅匪團匪土匪皆相應而起破臨清陷高唐干戈擾攘蹂躪將及全省之半銅瓦廂決口黃河改道直注東省瀕河之區迭遭淹沒於是籌兵籌餉之絡繹議工議賑之紛繁世風駸駸乎丕變矣然其間忠臣烈士循吏良將與夫孝子順孫貞媛節婦迹其行事洵足

山東通志序

以勵末俗而挽頹風不及時大書特書以著於編則代遠年湮潛德幽光未由開發豈不重可惜歟道光緒庚寅之歲山東巡撫張勳果公撫東之四年深懼東邦文獻水微無徵遂以修志之舉奏請於

朝奉

旨俞允乃聘榮成孫佩南京卿爲總纂開局編輯未幾公薨於位佩南京卿旋之大槩此事幾同度置或作或輟者又二十年至丁未歲巡撫楊文敏公復籌鉅款廣續前修仍聘孫佩南京卿暨法小山徵君商訂略例變通舊志延攬通才以司筆削及濟南府張漢三太守提調局事乃甫開局而文敏公移節直督法徵君遽歸道山惟佩南京卿獨肩鉅任凡曰訓典曰輿圖曰典禮曰田賦曰河防曰兵防曰藝文曰人物曰雜志分別部居俾同事諸君子各有專任京卿自董其成逐日校讐心力交瘁全書及半而京卿旋離又捐館舍先是張太守已升濟東泰武臨道繼其任者爲黃石孫太守均提調局事如故及聞孫京卿歿遂偕與諸君約不得以摠纂無人遽萌惰念使一百餘年未輯之鉅製一篲功虧於是諸君子博徵繁引訂堅拾遺竭半載之力俾各門略具梗概可謂難矣說者謂修志難修今日山東之志爲尤難都邑志書多未纂輯鴻儒碩學強半彫零歷年久而故事已泯沒無傳屬迭經變亂之後官署之簡策摧殘私家之撰著散佚以之沿革屢易黃流之遷徙靡常採訪詭蒐難匪易且近時

山東通志序

德宗景皇帝御極之十二年

詔開會典館於京師我

朝之典章制度大經大法燦然畢備復徵求各省文獻以備史館之採擇越五年錢塘張勳果公巡撫山東遂有續修通志之請

朝廷許之籌款開局規模稱極盛焉顧吾東志書之興鑒始於陸繼於趙再繼於岳陸志既佚今所存者惟趙岳兩志趙志成於康熙中葉岳志成於乾隆初元其時功令森嚴拘牽忌諱採取本隘重以乾隆至今百八十餘年之事蹟中更專拾之變世家舊族藏書散失故名雖續修實同創始搜輯採訪本非旦夕所可期速勳果公歿而書局竟同虛設歲丁未泗州楊文敬公撫東乃重新整飭聘榮成孫佩南先生爲總纂手訂略例分門編輯閱六年而書成未及校定而先生遽赴道山辛亥事起遂至無人過問甲寅之冬余以辦理水災賑務往來省城詢知原稿尚存公署懼其久而佚也爰集同人捐資開局就原書略例較其舛訛補其遺漏復閱三年而始蒞事排印既竣爰題數語於簡端以誌顛末云

歲次戊午夏六月

誥授光祿大夫建威將軍外務部尙書蒙古正黃旗都統出使德和國大臣拔縣呂海寰謹序

山東通志序

東省之有志書自前明嘉靖年始其間續修者爲康熙十一年雍正七年皆奉

旨編纂自咸豐辛酉捻匪竄擾軼事舊聞大半燬於兵燹迨光緒十

七年張勳果公大中丞延請孫佩南京卿重加編校因事延閣迄未成書楊文敬公繼之仍聘佩南京卿續辦廣籌鉅款延請名宿另行編纂時余方供職臺垣弗克身與其役乃未幾而京卿物故國體改更余亦挂冠歸田逮乙卯年始鳩資排印復延于梓生觀察徐庚生農部周樞濟大令拾遺補闕三閱寒暑而始克成事吾鄉一百八十餘年掌故賴以不墜毫年觀此欣幸何如而尤幸諸公之勤懇相與有成也伏思東省爲齊魯名區秦嶽之峻表海之雄孔子之道之大陳廟堂之禮器玉振金聲恢庠序之規模家柱戶誦固已極宇宙之大觀爲中外所共仰已况我

朝

聖

聖相承

宸遊闢池

天章炳耀震古饒今東省疆域附近

京畿沐浴

聖化幾三百年輕裾薄賦廣賑蠲租民舍哺鼓腹幾相忘於不知不識之天而被服儒術者尤懷鉛握槧束身於禮義之防人

山東通志序

才蔚起科第聯翩食舊學之名氏者踵相接也是非詳著於篇致令後之人徵文考獻徒歎篇章之剽蝕憾事迹之銷沈幾無以信今而傳後是亦生此土者之責也夫禮教衰而風俗靡大道晦而羣言肆末俗人心不古竟以倫理爲不足明聖道爲不足守坐視先正之典型日就湮於邪說詖行之橫恣肆以守禮之邦亦肆爲簒竊以張其饑是固氣數之適然亦士大夫無以貞其守也茲幸勅爲成書傳諸久遠俾後之覽者穆然見地靈之鍾毓

聖澤之涵濡而知天道之不可誣人心之不容泯讀書明理無或蕩軼以失其真是則吾之厚望也夫

歲次戊午夏六月

賜進士出身

諸授光祿大夫 經筵講官都察院都御史歷城張英麟謹序

山東通志序

志者何與史相通者也周禮四方之志與邦國之志同掌於史臣史其官而所書則志也故鄭曰鄭志宋曰宋志史與志名二而實則一通志卽通史尙書合虞夏商周爲一書史記上起黃帝下訖麟止爲一書南北史五代史體例略近之此鄭氏樵通志所自昉也自班孟堅初爲斷代之史史與志乃有異雖漁仲嘗譏之然一代有一代之文獻久則無復斷代之例雖志書亦宜用之固未可加以非議也卽吾魯之春秋何嘗非國史而亦何嘗非方志何嘗非斷代之書耶此誠後世之史與志所不能軼越範圍者也山東志書自乾隆丙辰成書後越百八十餘載迨光緒庚寅張勳果公來撫東土始有開局重修之舉歲丁未楊文敬公踵而行之閱時垂二十一年其間不知幾經寒暑至宣統二三年間始漸次成書則甚矣著述之難也顧脫稿後未卽付梓度之高閣者又數年及乙卯年夏張振卿總憲毛稚雲觀察暨向財政楊公味雲都轉王公鹿泉談及茲事二公皆惜其功虧一簣慨然有籌助款項俾得校訂刊印之意先以三千元相付總憲觀察及乃相與商定辦法重行開局邀約于梓生觀察徐庚生主政周樞清大令李美岑學博諸君子就原稿詳加勘訂補闕正譌期臻完善未敢稍涉疏率又因欸用較鉅復由本省紳商暨昔日服官東土而近年還調他省各鉅公與夫鄉人之統兵遊宦於外省者先後慨分清俸寄欸補助始得將

此書陸續排印書凡二百卷以宣統辛亥年爲止辛亥以後近數年間之事蹟均未列入蓋取法於斷代之例其體裁應如是也。雖忝與斯役而學識寡鄙無所表襮惟同事諸君子殫心竭慮共成是書其孳孳不倦之意。實有不能已於言者謹略述梗概於右用誌顛末云爾
歲次戊午夏六月前府事府少詹事署禮部左侍郎借補翰林院侍讀學士黃縣王錫蕃謹序

